

中國方志叢書·華中地方·第三九〇號

據

清·敖立榜·曾毓佐等纂修
清同治五年刊本

影印

四川省

高縣志

(二)

成文出版社有限公司印行

高縣志卷之十六

祀典志

文廟

魯哀公卽孔子舊宅立廟歲時致祀誅曰尼父漢高帝十二年過魯祀以太牢詔諸侯王卿相至郡先謁廟而後從政平帝元始七年謚褒成宣尼公安帝延光三年祀孔子及七十二子於闕里魏齊王正始二年及五年七年並命太常釋奠以太牢祀孔子於辟雍以顏回配晉武帝太始三年詔太學及魯國四時備三牲以祀南宋文帝元嘉二十二年皇太子

釋奠國子學北魏獻文帝詔郡縣祀孔子與周公並享孝文帝太和十六年改謚文聖尼父告謚孔廟比齊每月朔祭酒領博士以下及諸生以上謁廟行禮隋文帝詔國子每歲四仲月上丁釋奠於先聖先師廟州縣學則以春秋仲月釋奠唐高祖武德二年詔國子學立周公孔子廟七年以周公爲先聖孔子配九年封孔子之後爲褒聖侯太宗貞觀二年罷周公尊孔子爲先聖天下州縣皆立專廟塑像出內廷衣衾冕正南面之位以顏回配十一年詔尊孔子爲宣父二十一年詔左邱明卜子夏公羊高穀梁赤伏勝高堂生戴聖毛萇

孔安國劉向鄭眾杜子春馬融盧植鄭元服虔何休王肅王
弼杜預范甯賈逵等從祀尼父廟高宗乾封元年追贈孔子
爲太師總章元年贈顏回太子少師曾參太子少保皆配享
元宗開元八年始立諸賢坐像二十七年追謚孔子爲文宣
王贈顏子充國公閔子等九人爲侯曾子爲伯宋太祖建隆
三年詔廟門立十六戟真宗大中祥符元年謚孔子元聖文
宣王追封聖父叔梁紇爲齊國公二年追封十哲爲公七十
二弟子爲侯先儒爲伯又以國諱改謚元聖文宣王爲至聖
文宣王仁宗景祐元年詔釋奠用登歌神宗元豐七年以孟

子配享荀向揚雄韓愈並從祀徽宗崇寧四年詔文宣王冕
十二旒服九章門增二十四戟大觀二年詔以子思從祀四
年詔文宣王執鎮圭用王者制理宗淳祐元年以周敦頤張
載程顥程頤朱熹從祀景定二年加張拭呂祖謙從祀度宗
咸淳三年以顏曾思孟爲四配升顥孫師位十哲列邵雍司
馬光於從祀西夏李仁孝天慶間尊孔子爲文宣帝元大德
十一年號孔子爲大成至聖文宣王仁宗皇慶二年以許衡
從祀文宗至順元年加封孔子父爲啓聖王加顏子爲死國
公曾子爲郕國宗聖公子思沂國述聖公孟子鄒國亞

聖公加程顥豫國公程頤洛國公始以董仲舒從祀位居七十二子之下明太祖洪武元年定每年春秋仲月上丁日遣官行釋奠禮四年用登歌堂上堂下之樂舞用六佾以國子生及公卿子弟在學者充樂舞生五年罷孟子配享六年復祀十五年詔天下儒學通祀孔子頒釋奠儀十七年勅每月朔望祭酒以下行釋菜禮郡縣長以下詣學行香二十六年頒大成樂器於各州縣如式製造二十九年熙揚雄從祀成祖永樂八年正文廟繪像聖賢衣冠令合古制宣宗宣德二年刊定從祀名爵位次頒行天下英宗正統二年以宋胡安

國蔡沈真德秀從祀三年禁釋老宮不得瀆祀孔子八年以
元吳澄從祀成化二年封董仲舒廣川伯胡安國建寧伯蔡
沈崇安伯真德秀浦城伯二年增樂舞爲八佾孝宗弘治八
年以宋楊時從祀封將樂伯世宗嘉靖九年從張璁議改稱
孔子爲至聖先師四配爲復聖宗聖述聖亞聖十哲及門弟
子稱先賢左邱明以下稱先儒蓋罷諸封號易塑像爲木主
改大成殿爲先師廟大成門爲廟門樂章中稱王者僉易爲
師從祀申黨卽申棖去黨存棖公伯寮秦冉顏何荀况戴聖
劉向賈逵馬融何休王肅王弼杜預吳澄楊雄十四人俱罷

祀林放蘧瑗盧植鄭眾鄭元服虔范甯七人俱各祀於其鄉
進后蒼王通胡瑗歐陽修陸九淵從祀樂舞仍用六佾又於
先師廟後建啟聖公祠祀聖父以顏無繇曾點孔鯉孟激公
宜配程珦朱松蔡元定從祀兩廡穆宗隆慶五年以薛瑄從
祀神宗萬曆初以羅從彥李嗣從祀十二年以陳獻章胡居
仁王守仁從祀二十三年以周敦頤父周輔成從祀啟聖祠

國朝

世祖順治二年定廟謚號稱大成至聖文宣王先師孔子每歲仲春
仲秋上丁日致祭九年

聖學行釋奠禮

聖祖康熙二十三年幸闕里題萬世師表匾額頒行天下學宮五十年以朱子升祔十哲五十五年以范仲淹從祀

世宗雍正元年改啟聖祠爲崇聖祠褒封孔子五代爲王以五世祖木金父爲肇聖王高祖祈父公爲裕聖王曾祖防叔公爲詒聖王祖伯夏公爲昌聖王父叔梁公爲啟聖王三年復以林放蘧瑗秦冉顏何鄭康成范甯從祀增縣直牧裘纘正子公郁子萬章公孫丑諸葛亮尹焞魏了翁黃幹陳淳何基王柏趙復金履祥許謙陳澧羅欽順蔡清陸龍其從祀以張廸從

祀崇聖祠並於學宮建忠義節孝祠避孔子諱加卅

高宗乾隆二年并有若於十哲移朱熹於西哲末復以吳澄從祀六年頒定先賢先儒從祀位次九年禁建三教堂設佛老聖人三像撤去三教額碑每年仲春仲秋共支祭銀二十八兩會典每歲仲春仲秋上丁日致祭先期致齋二日各宿別室前一日同宿祭所不飲酒不茹葷不弔喪問疾不聽樂理刑不判署刑殺文字不預穢事致齋惟祭事祭前一日知縣簽榜山縣中門出鼓樂迎至文廟前張掛至晚行省牲禮知縣率僚屬至明倫堂觀演樂習儀畢引贊引獻官穿補服詣

省牲所唱曰就位至香案前立獻爵奠酒三揖唱曰省牲牽

過案唱曰禮畢宰牲用小碟盛毛血執事生捧送知縣率僚屬

至

先師廟丹墀各一揖退

祭日雞初鳴將牲饌樂器燭爐陳設整齊知縣率僚屬等官

至更衣所通贊贊曰簽祝版官穿朝服引贊唱曰更衣生穿襦衫曰

升堂從東曰序爵從上曰序事各生執事曰請祝請祝版至曰簽名各官簽名

曰下堂從西通贊贊曰啟戶司戶生將曰樂舞生就位曰執

事者各司其事諸生各執其事曰正獻官就位分獻官就位陪祭官

就位

文東武西

通贊贊曰瘞毛血

司毛血生將毛血磔撻從中

啟

牲饌

執事將牲饌俎豆蓋啟開

曰迎神

樂作引贊引各官唱曰詣西北

隅迎神

眾官皆至

眾官打躬通贊贊曰參神樂奏咸平之章

鳴

贊曰跪眾官皆三跪九叩首興止

初獻通贊贊曰行奠帛初獻禮

樂奏甯平之章

引贊引主

祭官唱曰詣盥洗所

浴手

進巾

詣酒尊所司酒者舉

寡酌酒

執事取酒執爵山正階上中門入置神位前

唱曰詣

至聖先師孔子神位前跪上香三進帛奠帛

進爵獻爵俯伏興平

身唱曰詣讀祝位跪鳴贊曰眾官皆跪

引贊曰讀祝文備

伏興平身鳴贊曰眾官皆興平身 引贊引主祭官唱詣復

聖顏子神位前跪上香三進帛奠帛進爵獻爵俯伏興平身

唱詣宗聖曾子神位前跪上香三進帛奠帛進爵獻爵俯

伏興平身 唱詣述聖子思子神位前跪上香三進帛奠帛

進爵獻爵俯伏興平身 唱詣亞聖孟子神位前跪上香三

進帛奠帛進爵獻爵俯伏興平身 復位通贊贊曰行分獻

禮 贊引教諭訓導詣東西哲神位前引典史詣東西廡神

位前俱先盥洗跪各上香三奠帛獻爵俯伏興皆復位

通贊贊曰行亞獻樂奏安平之章 引贊引主祭官詣酒

尊所取酒唱詣

主聖先師孔子神位前跪餘與初獻同

終獻樂奏景平之章餘與初獻同

各復位

引贊引主祭

唱詣飲福位跪

鳴贊唱曰眾官皆跪

引贊唱曰飲福酒

執事取正中一爵從右跪遞與主祭官飲訖將爵從右遞與執事

唱受福胙

執事取先師位前半膊盛木盤

遞與主祭官受之

俯伏興平身

謝福胙各官俱行三叩首禮興復

位通贊贊曰徹饌樂奏咸平之章

執事將牲饌俱徹

各官俱行三

跪九叩首禮興通贊贊曰辭神樂奏咸平之章各官俱行三

跪九叩首禮引贊引眾官送神至戟門唱口詣送神所曰

神去眾官打躬通贊贊曰望瘞讀祝者捧祝執帛者捧帛各

詣瘞所

夫子祝帛俱由中門

引贊引眾官唱曰詣望瘞位舉柴焚祝帛

將祝文揭下並帛俱焚於火內埋於坎下淨處

曰復位樂止通贊贊曰閤戶鳴贊曰

禮畢退班

崇聖祠

祭日雞初鳴教諭訓導至祠下起樂執事生各執其事陳設

正獻官就位分獻官就位瘞毛血迎神眾官皆二跪六叩首

興奠帛行初獻禮

贊

引正獻官詣盥洗所

盥洗

進巾詣

三神位前跪上香三獻各獻爵二叩首興詣讀祝位跪眾官皆

跪讀祝生跪讀祝文畢眾官叩首興復位行分獻禮贊引分
獻官詣東西配東西廡神位前跪各上香三獻帛獻爵二叩
首復位行亞獻禮與初獻同行終獻禮與亞獻同徹饌送神
眾官二跪六叩首興讀祝者捧祝司帛者捧帛各詣燎所望
燎禮畢退班執事生皆退

祭文 乾隆九年部頒

先師廟

維年月日某官致祭於
先師孔子曰維先師德隆千古道冠百王揭日月以常行自
生民所未有屬文教昌明之會正禮節樂和之時辟雍鐘鼓
咸恪薦於馨香泮水膠庠益致嚴於邊豆茲當仲穉祇率彝

章肅展微忱聿將祀典配以復聖顏子宗聖曾子述聖子思子亞聖孟子尚饗

崇聖祠

肇聖王 維年月日某官致祭於
裕聖王 詒聖王 昌聖王 啟聖王 曰維王奕葉鍾

祥光開聖緒盛德之後積久彌昌凡聲教所覃敷率循源而溯本宜肅明禋之典用申守土之忱茲屆仲穉聿修祀典配以先賢顏氏先賢曾氏先賢孔氏先賢孟孫氏尚饗

忠義孝弟祠

維年月日某官致祭於 忠義孝弟之靈曰維靈稟賦貞純躬行篤實忠誠奮發貫金石而不渝義問宣昭表鄉閭而共式祇事懋彝倫之大性摯義蒿克恭念天顯之親情殷棣萼楷模咸推夫懿德 綸恩特闡夫幽光祠宇維隆歲時式祀用陳簋簋來格几筵 尚饗